

後村千家詩二

十六

後村千家詩

分門纂類唐宋時賢千家詩選卷第五

後村先生編集

氣候門

寒

附

春寒

寒

竹屋霜風透客衣
初寒病骨已支離
挑燈不作還家夢
擁鼻空吟乞米詩

春寒

趙信庵

春草平蕪煙雨迷
鞦韆寂寞舊園池
江南也是東風惡

花骨經寒瘦不支

又

劉後村

趁得清明幾日閑
不禁連雨作春寒
小窗對客開新煮
蕪罷沈香看牡丹

又

林季謙

梢零數竹綠脩脩
春半餘寒苦似秋
故紙叢中雙倦眼
樵青催喚酪蒼頭

又

高九萬

料峭東風客衣春
寒不比臘前時
絕憐牆角櫻桃樹
全似梅花雪後枝

暑

附 暖

暑

華 岳

翠微家在大江東五月鞭驢入建中雲烈火車天欲雨
汗淹香葛扇無風不求殿閣千間庇却喜巖泉一線通
爲汲滿盃清齒頰與君行盡夕陽紅

又

趙希逢

強學劉叉賦雪車更陪河朔飲流霞漱泉枕石閑終日
滿口水晶寒嚼瓜

又

劉後村

南州四月氣如蒸却憶炎中始買冰綠浦遊船常載妓

畫廊浴鼓或隨僧

暖

趙崇森

春晴多得兩三日便覺暄於輕暑天行客停鞭爭買扇
侍臣啓笥請收綿把杯早自嫌溫酒盥手相將喜冷泉
此去西湖已初夏安排絺綌上遊船

涼

涼

秦少游

攜杖來追柳外涼畫船南畔倚胡牀月明船笛參差起
風定池蓮自在香

又

朱淑真

旋折蓮房破綠瓜
酒杯收起試新茶
飛蠅不到冰壺淨
時有涼風入齒牙

又

白玉蟾

散髮披襟樂醉鄉
從朝笑語到斜陽
坐來一片蟬聲久
未信人間有此涼

晴

附

春晴

秋晴

冬晴

乍晴

喜晴

祈晴

晴

王駕

雨前初見花間藥
雨後兼無葉裏花
蛺蝶飛來過牆去
應疑春色在鄰家

春晴

姚令威

風雨惜春殘新晴爲啓關白雲歸去盡還我舊青山

又

朱淑真

淡薄輕寒雨後天柳絲無力妥朝煙弄晴鶯舌於中巧
著雨花枝分外妍消破舊愁還酒盞去除新恨賴詩篇
年年來到梨花月瘦不勝衣怯杜鵑

喜晴

林鳩聲歇已開晴柳眼窺春淺放青樓上捲簾凝望處
遠山如畫展幃屏

冬晴

鄭解

天外丹霞一抹紅瓦溝已見雪花溶前山未放曉寒散
猶鎖白雲三兩峰

春晴

林季謙

密幄籠山翠已成，凝陰不放晚春晴。
方牀聽雨村春急，屈杖看雲野艇輕。
林笋似能爭地出，溪流渾欲與橋平。
一懷幽事無窮意，更著千巖萬壑聲。

又

高九萬

積雨纔收雲盡歸，長空一色碧琉璃。
日移簾影臨書案，風颭瓶花落硯池。
巢燕學飛猶戀母，籠雞得食旋呼兒。
眼看景物關情甚，喜爲新晴賦此詩。

秋晴

范成大

秋來只怕雨垂垂，甲子無雲萬事宜。
穫稻畢工隨曬穀，直須晴到入倉時。

乍晴

劉後村

天更商量雨人都領略晴晚山青妥貼野水白縱橫鷺
立沙頭影蜂喧樹底聲筍輿扶病出邂逅亦詩成

晴

潘紫巖

西風一夜與晴期紅日當天曉陸離雲似敗棋無著處
山如宿酒頓醒時

喜晴

久雨淋漓天亦厭一聲霹靂洗層陰青山愁似故人面
初日明如烈士心掃石安排朝曬藥約僧準備晚聽琴
清宵那更當三五賸把金樽對月斟

祈晴

方秋崖

能幾何時屢乞晴爐煙未斷已收聲天於老子亦多可
國有豐年方太平風土不堪人佩犢月明無復夜啼鼯
及今便可歸田去牛背斜陽一笛橫

旱

附 閔雨

久旱喜雨

閔雨

鄭毅夫

潭底乖龍喚不應驕陽似欲敗西成虛堂永夜耿無寐
起聽四郊車水聲

又

劉後村

滿望梅天雨誰知日轉驕畦蔬新住摘盆樹久停澆米
貴糧困盡泉乾汲路遙未遑憂世事災厄到顏瓢

又

暘烏下飲百川空
民自祠龍禱社公
豈是長官渾忘却
水車聲不到城中

又

盧梅坡

百萬人家井水黃
江南大半田無秧
乖龍豈是爲霖物
貪弄明珠簸日光

久旱喜雨

趙崇森

五月炎歊化作霖
分明滴滴是黃金
田禾預卜六分熟
河水新添一尺深
和氣已能周禹甸
至誠端自感湯林
此時此澤人知否
大慰飢民望歲心

分門纂類唐宋時賢千家詩選卷第五 終

棟宇藏中丙戌九月
重刊于揚州懷賢

分門纂類唐宋時賢千家詩選卷第六

後村先生編集

晝夜門

宮曉
早朝

曉

江上早行
山中早行

曉行

張泌

客離孤館一燈殘
牢落星河欲曉天
雞唱未沈幽谷月
鴈聲新度灞陵煙

曉

魏仲先

燒藥爐中無宿火
讀書窗下有殘燈
臨階短髮梳和月

傍岸衰容洗帶冰

又

露侵短褐曉寒輕
星斗闌干野外明
寂寞小橋和夢過
豆花深處草蟲鳴

又

歐陽修

月落龍蛇蟠木影
山空風雨起雞聲
上車莫恨晨霜冷
又得修途一日晴

又

晁叔用

老去功名意轉疎
獨騎瘦馬取長途
孤村到曉猶燈火
知有人家夜讀書

宮曉

劉屏山

景陽鐘動曉寒清
度柳穿花隱隱聲
三十六宮梳洗罷
却吹殘燭待天明

早朝

歐陽修

疎星零落曉光微
殘月蒼龍關角西
玉勒爭門隨仗入
牙牌當殿報班齊

曉行

孔毅甫

枕上杜鵑啼
忽忽早起時
出門天未曉
月在杏花枝

早朝

張敬夫

衣潤熏籠煖
燈殘漏箭長
鳴雞帶窗月
立馬覺嚴霜

江上早行

戴石屏

堤頭曉步落潮痕
行盡蒲根到柳根
鴈影參差半江月